

第五屆「金筆獎」中文硬筆書法比賽

抄寫內容（中學組）

初中組

節錄《尚書》、《論語》、《墨子》、《荀子》、《禮記》、《中庸》

滿招損，謙受益，時乃天道

禮之用，和為貴。先王之道，斯為美

君子和而不同，小人同而不和

夫子溫、良、恭、儉、讓以得之

江河不惡小谷之滿己也，故能大

虛則欬，中則正，滿則覆

君子恭敬撝節，退讓以明禮 傲不可長，欲不可縱

喜怒哀樂之未發，謂之中；發而皆中節，謂之和



高中組

節錄《中庸》

天命之謂性，率性之謂道，修道之謂教。道也者，不可須臾離也，可離非道也。是故君子戒慎乎其所不睹，恐懼乎其所不聞。莫見乎隱，莫顯乎微。故君子慎其獨也。喜怒哀樂之未發，謂之中；發而皆中節，謂之和；中也者，天下之大本也；和也者，天下之達道也。致中和，天地位焉，萬物育焉。

唯天下至聖，為能聰明睿知，足以有臨也；寬裕溫柔，足以有容也；發強剛毅，足以有執也；齊莊中正，足以有敬也；文理密察，足以有別也。溥博淵泉，而時出之。溥博如天，淵泉如淵。見而民莫不敬，言而民莫不信，行而民莫不說。

